

Melindungi hasil apabila bencana dikaji

# Skim insurans peladang, penternak

UTUSAN

21/9/15

Oleh MUKHATAR A. RAHMAN

pengarang@utusan.com.my

■ KEMAMAN 20 SEPT.

**K**ERAJAAN akan mengkaji skim insurans yang berseesuaian untuk golongan peladang dan penternak di negara ini bagi melindungi hasil mereka sekiranya ditimpa bencana.

Menteri Pertanian dan Industri Asas Tani, Datuk Ahmad Shabery Cheek berkata, dengan adanya perlindungan itu kelak, secara tidak langsung dapat menggalakkan lebih banyak penyertaan orang ramai dalam bidang tersebut.

Menurut beliau, pihaknya akan melakukan perbincangan dengan ejen insurans termasuk mengenai bentuk bayaran yang akan dikenakan kepada peladang dan penternak.

"Kita mesti melihat bidang pertanian sebagai berisiko tinggi dan memikirkan perlindungan terbaik agar pelaburan yang dilakukan tidak mengalami kerugian sekiranya berlaku kemusnahan.

"Jika tiada perlindungan terhadap usaha mereka ini, mungkin tidak ramai yang berminat menceburi bidang itu sekali gus memberi kesan kepada hasil pertanian dan bekalan makanan negara," katanya dalam sidang akhbar selepas merasmikan sambutan Hari Peladang, Penternak dan Nelayan peringkat negeri di Dataran Kuala Kemaman, di sini semalam.

Yang hadir sama, Pengerusi



Kita mesti melihat bidang pertanian sebagai berisiko tinggi dan memikirkan perlindungan terbaik agar pelaburan yang dilakukan tidak mengalami kerugian sekiranya berlaku kemusnahan."

**AHMAD SHABERY CHEEK**

Menteri Pertanian dan Industri Asas Tani

Jawatankuasa Pertanian, Industri Asas Tani & Perusahaan, Perladangan dan Komoditi negeri, Nawi Mohamad; Pengerusi Pertubuhan Peladang Negeri, Datuk Wan Zakaria Abdul Rahman serta Ahli Dewan Undangan Negeri (ADUN) Air Putih, Wan Abdul Hakim Wan Mokhtar.

Sementara itu, menurut Ahmad Shabery, sejak Mei tahun lalu, lebih 300 kemalangan membabitkan golongan nelayan dicatatkan dan kesemua mereka mendapat pampasan insurans.

"Setakat ini nelayan hanya mempunyai skim insurans kemalangan tetapi jika bot tenggelam, mereka memerlukan sokongan daripada kerajaan. Kerajaan boleh membantu menaikkan bot mereka tetapi kosnya amat tinggi," katanya.